

ՀԱՅԺ ժՈՂՈՎՐԴԻ ՊԱՏՄՈՒԹՅՈՒՆ, Զ. V. Հայկական ՍՍՀ ԳԱ հրատարակչություն,
Երևան, 1974, 732 էջ:

Հայկական ՍՍՀ ԳԱ պատմության ինստիտուտի հրատարակած Հայ ժողովրդի պատմության բազմահատորյակի V հատորը ընդգրկում է 1801—1870 թվականները, Հայաստանի պատմության ընթացքի շարունակական ներկայացում է տնտեսական-սոցիալական նոր տեղաշարժերով, հայության հասարակական-քաղաքական և հոգևոր կյանքի բուռն ու բարդ ընթացքով, նրա պատմական բախտի և դարգացման հեռանկարների տեսանկյունից նշանակալի, չրջադարձային անցքերով:

Հատորի հեղինակային կոլեկտիվը և խմբագրական կոլեգիան^{*} մեծ ու շնորհակալ աշխատանք են կատարել՝ համակողմանի, գիտական խորը վերլուծությամբ տալով հայ ժողովրդի պատմության քննվող ժամանակաշրջանի ամբողջական, կուռ շարադրանքը:

Հատորի Ա բաժինը լուսաբանում է պարսկական և թուրքական դարավոր բռնատիրությունների լուծը կրող Հայաստանի սոցիալ-տնտեսական և վարչա-քաղաքական դրությունը XIX դ. սկզբին:

Բաժնի առաջին գլխում (հեղինակ՝ Վ. Ա. Դիլոյան) հանգամանորեն բնութագրվում են Արևելյան Հայաստանի, երկրորդ գլխում (հեղինակ՝ Հ. Մ. Ղազարյան)՝ Արևմտյան Հայաստանի աղբյուրային հարաբերություններն ու սոցիալական կարգն իրենց առանձնահատուկ կողմերով, Ընթերցողը որոշակի պատկերացում է ստանում հողատիրության ձևերի, արտադրության տարբեր ճյուղերի դարգացման մակարդակի, քաղաքային կյանքի, առևտրի վիճակի և հարկային սիստեմի մասին:

Քննարկվում է, որն իրավամբ կատարվում է հիմնական արտադրողների դրության տեսանկյունից, ակնբախ է դարձնում հայ աշխատավորներին ուժասպառության հասցնող ֆեոդալական շահագործման անտանելի բեռը՝ թանձրացած ազդային-կրոնական բիրտ հալածանքներով, մոլեղանող անօրինականությամբ, բնակչության հաճախադեպ բռնի տեղահանումներով: Նույն տեսանկյունից կարևոր է այն պնդումը, որ տիրապետող հետամնաց արտադրահարաբերությունները և արտադրամիջոցների բարելավման մտահոգություններից հեռու կառավարություններն իրենց վարչաձևով արգելակում էին տնտեսական-սոցիալական առաջընթացը Պարսկաստանում և Թուրքիայում: Այս կապակցությամբ, փաստարկման կոնկրետ ֆոնի վրա, անշուշտ առավել սպառնալի ու դիպուկ կհնչեր Կ. Մարքսի համապարփակ միտքը արտադրող գյուղական համայնքի անփոփոխ անտեսական հիմքի, նրան հենված արևելյան բռնապետության և ընդհանրապես «հասարակական այն կացության» մասին, որը «լճացել, անշարժության է մատնվել» Ասիայում¹:

Այլ հանգամանքների կողքին (որոնք տարբեր առիթներով ու ձևակերպումներով նշվում են գրքում), հարյուրամյակներ շարունակ, մասնավորապես այդ կացության «հարմար պատվանդան էր ծառայում» գերակշռող արդյունաբերական ունեւոր: Սրա ծավալը, ինչպես կարելի է պատկերացնել նաև հեղինակների բերած ընդհանուր նյութից, այստեղ «առհասարակ էր դարձնում արտադրության ընդլայնումը և անմիջական արտադրողներին հարկադրում էր բավականաչափ կենսամիջոցների ֆիզիկական միմյանմիմյան², Այս առումով, հանգամանորեն լուսաբանված ունե-

* Պատասխանատու խմբագիր՝ Հայկական ՍՍՀ ԳԱ ակադեմիկոս Մ. Պ. Աղայան, սյուտասխանատու խմբագրի տեղակալ՝ պրոֆեսոր Հ. Մ. Ղազարյան, խմբագրական կոլեգիայի անդամներ՝ Հայկական ՍՍՀ ԳԱ ակադեմիկոս Մ. Գ. Ներսիսյան, պրոֆեսորներ Զ. Տ. Գրիգորյան, Վ. Ա. Ավետիսյան, դոցենտ Վ. Ա. Դիլոյան:

1 Կ. Մարքս, Կապիտալ, հ. 3, Երևան, 1949, էջ 334—335, նաև նամակներ «Կապիտալին» մասին, Երևան, 1954, էջ 56—58:

2 Կ. Մարքս, Կապիտալ, հ. 3, էջ 335:

տալի ձևերից, տեսականներից ու հարաբերական չափերից բացի, տեղին կլինեն առանձնապես արևելահայ գյուղացիության շահագործման աստիճանի քիչ թե շատ կոնկրետ տնտեսագիտական արծարծումը՝ հենվելով պարսից տիրապետության վերջին շրջանի վերաբերյալ մեր որոշ հետազոտողների մերձավոր հաշվարկներին:

Սակայն Պարսկաստանում և Թուրքիայում արտադրողական ուժերի ցածր մակարդակը և աշխատավորության կենսամիջոցների ֆիզիկական միջինումը համընդհանուր էին: Սույն գլուխում ցույց է տրվում, որ դրա հետ մեկտեղ, պարսերական ավերածություններ, կոռուպտու չեքեվարություն բերող քաղաքական երերուն իրադրությունն ու ներքին երկպառակությունները, հայերի նկատմամբ կիրառվող ազդահալած քաղաքականությունը (որը պարարտ հող ուներ իրավադուրի քրիստոնյա ալազդիների դեմ սրված մահմեդական ժողովրդության միջավայրում), անձի, գույքի, երթեկի անվտանգության բացակայությունը սպառնում էին հայության բուն իսկ դոյատևմանը: Արևելահայերի համար ստեղծված դժոխային պայմանների նկարագիրը վերջանում է փաստերով արդարացված այն եզրակացությամբ, թե «Այն ժամանակամիջոցում հասունացող արտաքին քաղաքական իրադարձություններն ինքնըստիջյան թելադրում էին, որ արդեն Անդրկովկասում հիմնավորված ռուսական զենքն է, որ պետք է ազատի նրանց այդ ծանր վիճակից» (էջ 60):

Կարևոր է այն հարցի պատասխանը, թե ինչու արևմտահայերի իրավադրությունը առավել շատան կերպարանք ստացավ XVIII դ. վերջին և XIX դ. առաջին քառորդին: Քաղաքական և անտեսական խոր ճգնաժամ ապրող Թուրքիան, նշվում է գրքում, նոր երկրներ նվաճելու փորձերի մեջ սանձահարված Եվրոպայի և Ռուսաստանի զորեղ դիմադրությամբ, այժմ գերադասում էր ամրապնդել ձեռք բերածը՝ կայսրության ալլահավատ հպատակներին համաձուլելու, նրանց ազդային շարժումները արյան մեջ խեղդելու եղանակով (էջ 106—107): Ծնված ժողովուրդները դիմակայում էին, նետվում ազատագրական պայքարի հրապարակ:

Հատորի Բ բաժինը (Ջ. Տ. Գրիգորյան) լուսարանում է հայ ժողովրդի համար բախտորոշ, առաջադիմական մեծ նշանակություն ունեցող իրադարձության՝ Ռուսաստանի հետ Արևելյան Հայաստանի միացման պատմությունը և ընդգրկում է 1801—1829 թթ.:

Համակողմանի բացահայտելով Մերձավոր Արևելքում և Անդրկովկասում մեծ տերությունների շահերի բախումը և ընդգծելով անդրկովկասյան ժողովուրդների ազատագրական ձգտումները, հեղինակը ցույց է տալիս Ռուսաստանի հետ Անդրկովկասի միացման համար ստեղծված նպաստավոր իրադրությունը XIX դ. շեմին: Ցարիզմը չհապաղեց օգտագործելու այն, իսկ հայ ժողովուրդը, ավելի ոգևորված Ռուսաստանի հետ Վրաստանի միացմամբ, թուրքական և պարսկական լծից իր փրկության հետքեր անալ հնարավորությունը կապեց ռուսական զենքի հաղթանակի հետ: Միանգամայն հիմնավոր է այն պնդումը, որ ռուս-պարսկական և ռուս-թուրքական պատերազմների ժամանակ ռուսական բանակին հայերի ցույց տված գործուն օգնությունը (որը մանրամասն փաստարկվում է), պետք է դիտել որպես հայ ժողովրդի ազատագրական շարժման արտահայտություններից մեկը» (էջ 131):

Բաժնի երեք գլուխներում պարզաբանված են 1804—1813 թթ., 1826—1828 թթ. ռուս-պարսկական և 1828—1829 թթ. ռուս-թուրքական պատերազմների դրդապատճառներն ու ընթացքը:

Հայ և ռուս ժողովուրդների մարտական համագործակցության, հայերի նկատմամբ առաջադիմական Ռուսաստանի համակրանքի և օգնության անմիջական դրսևորումներից էր Կովկասյան կորպուսում ծառայող աքսորական ղեկաբրիտների ակտիվ մասնակցությունը կռիվներին: Գաղութակալական նպատակներ հետապնդող ցարիզմի մղած պատերազմները նրանցից շատերը քղիտում էին որպես միջոց՝ հայ ժողովրդին ազատագրելու թուրքական և պարսկական լծից» (էջ 163):

Առանձին պատկերավորությամբ է նկարագրված ու մեկնաբանված հայ ժողովրդի համընդհանուր ցնծությունը պարսկական շղթաներից Երևանի ազատագրման առթիվ:

Բաժնի վեցերորդ ենթագլխում տրված է Թուրքմենչայի պայմանագրի գնահատականը: Այն հաստատելով Հայաստանի միացումը Ռուսաստանին, նշանավորեց հայ ժողովրդի պատմական զարգացման նոր հեռանկարի սկիզբը: Պայմանագրի կենսագործման առաջին խոշոր քայլը հայերի ներգաղթն էր:

Արևմտահայերի հարցը սերտ առնչված մնաց արևմտյան տերությունների նվաճողական ծրագրերին, որոնք այդ ժամանակից ի վեր հայերի ճակատագիրը թողնելով թուրքական արյունոտ զոհասանդանին՝ հայ ժողովրդի մեծ ողբերգության պատճառ դարձան:

Բաժնի վերջին ենթազրկում բաղաձայնության գնահատված է Ռուսաստանի Հետ Արևելյան Հայաստանի միացման նշանակությունը: Այդ ակտի արժեքավորման ելակետը իրավաբանական համարելով հայ ժողովրդի գոյատևման հարցը, հեղինակը ընդգծում է, որ դրանով արևելահայերը փրկվեցին ֆիզիկական բնաջնջումից, ինչպես նաև նպաստավոր պայմաններ ստեղծվեցին նայ ժողովրդի ազգաճանապարհի համար:

Նոր պատմաշրջանում քայլերով ուսումնասիրված ժողովրդի հետ, հայ ժողովուրդը հասարակական զարգացման հնարավորություններ ստացավ: Ազատագրական և հեղափոխական շարժումների նոր շրջափուլ մտնող Ռուսաստանի կազմում նա հաղորդակից էր լինելու առաջադեմ դեմոկրատական մտքին և իր մասնակցությունը բերելով ժալովրդը բաղաձայն պայքարին՝ այնուհետև Ռուսաստանի մյուս ժողովուրդների հետ բռնելու էր սոցիալական ու ազգային իրական ազատագրության ուղին:

1830—1860-ական թվականները ընդգրկող Գրաժնի առաջին երկու գլուխներում (Վ. Ա. Դիլյան, Վ. Զ. Ռյուտին) բնութագրվում են Արևելյան Հայաստանի նորահաստատ վարչակարգն իր փոփոխություններով, հայ եկեղեցու ժողովրդագրության խնդիրը, նրա «Պոլսեցիներ»-ի հանդես գալու հանգամանքներն ու էությունը, հողատիրական ժողովրդագրության իրավունքների «ճշտություն»-ը և ընդլայնման ընթացքը: Այս հարցերի պարզաբանմամբ բացահայտվում են կայսրության բաղաձայն դեմոկրատիայի իրականություններն Անդրկովկասում, իր զաղութատիրական դիրքերի ամրապնդման համար այստեղ հավատարիմ սոցիալական հենարան ստեղծելու ցարիզմի ձգտումը:

Փաստական հարուստ նյութի վերլուծությամբ լուսարանվում են Արևելյան Հայաստանի տնտեսական կյանքի զարգացման նպաստավոր պայմաններն ու գործոնները: Նոր տեղաշարժերի հետևանքով բնատնտեսությունը դանդաղ, բայց անխուսափելիորեն զիջում էր իր գիրքերու: Այսպիսով, հարաբերական հարաբերությունների զարգացմամբ փոխվում էր երկրի նախկին ֆեոդալական դեմքը: Դրան զուգընթաց սրվում էին դասակարգային ներհակությունները: Ըստ ամենայնի ներկայացված և գնահատված է շահագործման ու ցարիզմի սոցիալական բաղաձայնության դեմ ծավալված աշխատավորության պայքարը՝ բնորոշ գծերով ու արդյունքներով:

Յարական կառավարությունը որոշ քայլեր կատարեց երկրամասի տնտեսության օգտարեր ճշդելու, հատկապես առևտրի մեջ ռուսական կապիտալի դիրքերն ամրացնելու համար: Այնուամենայնիվ, ինչպես ճիշտ կերպով նշվում է երկրորդ գլխի եզրագծերում, Կովկասի և Անդրկովկասի տնտեսական նվաճումը ռուսական բուրժուազիայի կողմից տեղի ունեցավ միայն հետեւյալ տարիներին (էջ 272): Սակայն, մեր կարծիքով, Վ. Ի. Լենինի այս միտքը սովորական է ևստանալ ավելի հստակ մեկնաբանություն: Բանը միայն այն չէ, որ Անդրկովկասում ռուսական կապիտալի համար ձեռնարկվում էր ստեղծելու ճանապարհին ցարական կառավարությունը մեծ դժվարությունների հանդիպեց այստեղ բավական մեծ դեր խաղացող եվրոպական կապիտալի հետ մրցելիս (էջ 272): Եվ միակողմանի կլինեին դրանից հետո եզրակացնել, թե «Այսպիսով, միջնադարյան տարիներին ռուսական կապիտալի շահագործված ամբողջական տիրանալ Անդրկովկասյան շուկային»: Պարզորոշ պետք է նշվեր, որ կառավարության ձեռնարկումների մասշտաբը, նրանց հաջողությունը, մրցակցության այս կամ այն ելքը մեծապես պայմանավորված էր հենց Ռուսաստանում կապիտալիզմի զարգացման ընթացքով: Իսկ նրա զարգացումը լայնաշրջանում կամ տիրապետության ոլորտների ընդլայնումը, որպես կապիտալիզմի զարգացման հատկություններ վերաբերում էին ուժով երևան է եկել ու շարունակվում է հանդես գալ հետեւյալ տարիներին Ռուսաստանում:

Այս բաժնի երրորդ գլխում (Չ. Մ. Ղազարյան) վերլուծվում է թուրքիայում կատարված ռեֆորմների զրգապատճառներն ու էությունը, վարչաձևի փոփոխություններն ու հողատիրության ձևերի որոշ վերափոխումը, հեղինակը եզրակացնում է, որ երկրի սոցիալ-տնտեսական և քաղաքական կյանքում դրանք էական փոփոխություններ չմտցրին: Չնայած որոշ տեղաշարժերին, թուրքիայի տնտեսությանը բնորոշ էին ընդհանուր հետամնացությունն ու կիսազաղութային կախումը եվրոպական կապիտալից: Այս հանգամանքների հաշվառումով են բնութագրվում Արևմտյան Հայաստանի տնտեսության և աշխատավորության վիճակը, պոլսահայերի կյանքի հիմնական կողմերը: Ծույց են տրվում Կ. Պոլսի հայ ազգաբնակչության սոցիալական կազմը, տարբեր հասարակարգային շահերի բախումները: Նշվում է, որ դրանց հետևանքով արևմտահայերի կյանքի կոչված Ազգային սահմանադրությունը սովորական բռնապետության մեջ հայ ժողովրդի իրավունքների պաշտպանության տեսակետից արժեք չէր ներկայացնում, բայց սահմանադրական

շարժումը կական դեր խաղաց «արևմտահայերի աղատագրական պայքարի գաղափարաբանական կաղապարման տեսակետից» (էջ 338)։

Բաժնի ենթագլուխներից մեկը (Ա. Մ. Պողոսյան) վերաբերում է 'լրիմի պատերազմի Կովկասյան ռազմաճակատին, ռուսական բանակին հայերի ցույց տված օգնությանը, նշվում է, որ պատերազմի ժամանակ և նրանից հետո ուժեղացան Ռուսաստանի օգնությամբ սուլթանական լուծր թոթափելու արևմտահայերի ակնկալությունները։

Հատորի Դ բաժնում լուսաբանվում է 1850—1860-ական թվականների հայ ազգային-ազատագրական շարժումների և հասարակական-քաղաքական հոսանքների պատմությունը։

Հայ ժողովրդի աղատագրական պայքարի զարթոնքը սկսվեց ղեկավարների 1830—1850-ական թվականների ինքնապաշտպանական կռիվներով, Ջեյթունի 1862 թ. ապստամբությամբ և Արևմտյան Հայաստանի այլ գավառներում բռնկված ժողովրդական ելույթներով, որոնց ընթացքը, լայն արձագանքն ու նշանակությունը հայ հասարակական կյանքում հանգամանորեն պարզարանված ու գնահատված են բաժնի առաջին գլխում (Հ. Մ. Ղազարյան)։

Երկրորդ և երրորդ գլուխներում (համապատասխանաբար՝ Հ. Մ. Ղազարյան, Ա. Գ. Հովհաննիսյան) ըստ ամենայնի բնութագրված են հայ իրականության մեջ տեղի ունեցած այն տեղաշարժերը, որոնք պայմանավորեցին XIX դ. 50—60-ական թվականների «դասակարգային հարաբերությունների և շահագրգռությունների բյուրեղացումը, հասարակական-քաղաքական հոսանքների երևան գալը և նրանց սահմանադատումը» (էջ 382)։

Այդ հոսանքների տեղն ու դերը հայության կյանքում գնահատվում է նրանց կազմավորման սոցիալ-դասակարգային հիմքերի, ժողովրդի ազատագրական պայքարի ու հասարակական առաջընթացի կենսական խնդիրներում նրանց դիրքորոշման և գաղափարական բախումների պարզաբանմամբ։ Դրա հետ մեկտեղ, իբրև առաջադիմական հոսանքների գաղափարական ձևավորման և նպատակամղման կարևոր ազդակ նշվում է հայ իրականության մեջ համառուսական և համակրուսական հեղափոխական շարժումների լայն արձագանքը։

Հայ մեծ հեղափոխական-դեմոկրատ Մ. Նալբանդյանն ու նրա հետևորդները ջանում էին այդ շարժման հետ կապել արևելահայ և արևմտահայ սոցիալական, ազգային-աղատագրական պայքարը. «որանով էլ հատկանշվում է հայ դեմոկրատական մտքի մեջ նրանց կատարած սոցիալ-քաղաքական շրջադարձը» (էջ 405)։ Մ. Նալբանդյանի գլխավորած հեղափոխական-դեմոկրատական հոսանքը իրավամբ դիտվում է որպես ռուս հեղափոխական-դեմոկրատական շարժման չոկատներից մեկը։

Անցյալի գիրկը գնացող ֆեոդալական հետադիմության պաշտպան արևելահայ կղերա-աղայական, արևմտահայ կղերա-ամիրայական հոսանքը կորցնում էր իր ազդեցությունը։ Մինչդեռ ազգային պահպանողականները խուսափում էին ժողովրդական զանգվածային շարժումների քառոգից, իսկ լիբերալ-բուրժուական հոսանքը որդեգրել էր հաշտվողական -ոնֆորմիստական ծրագրեր, հեղափոխական դեմոկրատները մարտագրող պարզած ցարական ունակցիայի և սուլթանական բռնատիրության դեմ՝ ձգտում էին հեղափոխական շարժման միջոցով լուծել թե՛ ազգային, թե՛ ազգարային հարցերը։ Բնականաբար մեծ էր նրանց ազդեցությունը ժողովրդական զանգվածների վրա։

Հասարակական-քաղաքական հոսանքների բնութագրմանը զուգընթաց գրքում մանրամասնորեն շարադրված են նրանց արևելահայ և արևմտահայ ներկայացուցիչների գործունեությունն ու պաշտպանած գաղափարները՝ ժամանակի ազգային-քաղաքական հրատապ հարցերի արծարծման առնչությամբ։

Հատորի առաջաբանում, Դ բաժնում (և հետո) ընդգծվում է, որ XIX դ. 50—60-ական թվականների հայության տեսնական և հոգևոր առաջընթացի, նրա երկու խոշոր հատվածների մշակութային, գաղափարական-քաղաքական կապերի ուժեղացման, ազգային ուժերի կոնսոլիդացման, հայ բուրժուական ազդի ձևավորման հիմքի վրա նոր թափ ստացած ազգային-ազատագրական շարժումն ընդունեց համազգային ձև և համադեմոկրատական բովանդակություն։ Սա մի կողմից՝ Մյուս կողմից՝ քաղաքական հոսանքների պատմությունն ու գնահատականները ընթերցողի առաջ աստիճանաբար և հետևողականորեն պարզում են հասարակական որոշակի ուժերին հանված արևելահայ և արևմտահայ այս կամ այն հոսանքի սոցիալ-դասակարգային և «ծրագրային» էական ընդհանրությունները (չնայած խնդիրների բազմազանությանն ու առանձնահատկություններին)։ Ուստի մեզ թվում է, որ հասարակական հոսանքներից յուրաքանչյուրի զուգահեռ ներկայացումը հատորի տասներորդ գլխի՝ արևելահայերին և արևմտահայերին նվիրված առանձին, ինքնուրույն հատվածներով պատճառաբանված չէ։

Հատորի և բաժնում, որը նվիրված է հայկական գաղթավայրերին, պատշաճ տեղ է գտել Ռուսաստանի (Վ. Բ. Բարխուդարյան, Վ. Ա. Խաչատրյան, Ժ. Հ. Անանյան, Վ. Ա. Միքայելյան), Արևելյան Նվրոպայի մի քանի այլ երկրների (Ս. է. Փոլանջյան, Վ. Ս. Հովնանյան), Պարսկաստանի և Հնդկաստանի (Ա. Գ. Աբրահամյան, Ռ. Ա. Աբրահամյան), Մերձավոր Արևելքի և Աֆրիկայի (Հ. Մ. Ղազարյան, Ռ. Ա. Աբրահամյան, Ա. Գ. Աբրահամյան) բոլոր կարևոր հայ գաղթօջախների տնտեսական, քաղաքական և մշակութային կյանքի 1800—1870 թթ. պատմությունը։ Այն բնավում է մի կողմից հայ հասարակական-քաղաքական մտքի, դիտության և մշակույթի զարգացման գործում, մյուս կողմից՝ հյուրընկալ երկրների հասարակական ընդհանուր զարգացման մեջ հայ գաղթօջախների խաղացած դերի բացահայտման ու գնահատման առումներով։

Բնութագրելով գաղութահայ իրականության մեջ նոր ժամանակների սկզբին տեղի ունեցող փոփոխությունները (կապված կապիտալիստական հարաբերությունների զարգացման, տարրեր երկրների տնտեսական-քաղաքական պայմանների հետ), հեղինակներն ընդգծում են այն մեծ նշանակությունը, որ XIX դ. ստանում էին Մոսկվայի և Պետերբուրգի հայ համայնքները՝ հայ ժողովրդին և Հայաստանին վերաբերող հարցերում։

Հատորի վերջին, Զ բաժնում լուսաբանվում է հայ մշակույթի պատմությունը։ Բաժնի առաջին դիտում (Գ. Խ. Ստեփանյան) XVIII դ. վերջին և XIX դ. արշալույսին հայ իրականության մեջ նկատվող մտավոր աշխուժացումն ու մտավոր շարժման հետագա վերելքը ներկայացվում է մշակութային օջախների գործունեության, լուսավորության, պարբերական մամուլի, հայադիատության զարգացման պատմությամբ։ Բաժնի երկրորդ գլուխը նվիրված է հայ գրականության (Ս. Ն. Սարինյան) և արվեստի (Գ. Խ. Ստեփանյան, Մ. Մ. Ղազարյան, Ա. Մ. Մուրադյան, Վ. Մ. Հարությունյան) զարգացման պատմությանը։ Հանգամանորեն վերլուծված են հայ գրական ուղղություններն ու հոսանքները, ցույց տրված հասարակական համընդհանուր զարգացմամբ պայմանավորված այն նորը, առաջադիմականը, որն անխուսափելիորեն և հաստատ մուտք էր գործում հայ գրականության, թատերական արվեստ ու կերպարվեստ, սկզբնավորում պրոֆեսիոնալ կրթչությունը, նպաստում հայ ճարտարապետական մտքի աշխուժացմանը։ Մշակութային զարթոնքն ու 1850—60-ական թվականների բուռն վերելքը իրավամբ գնահատվում է հայության տարրեր հատվածների մտավոր ու քաղաքական մերձեցման, ազգի առաջավոր ուժերի համախմբման, հայ ժողովրդի քաղաքական ինքնագիտակցության ձևավորման և համադեմոկրատական բովանդակություն ունեցող նրա ազատագրական պայքարի տեսանկյունից։

Գիրքը համալրված է անհրաժեշտ քարտեզներով (Ս. Տ. Երեմյան, Հ. Մ. Ղազարյան, Վ. Ա. Դիրլյան), ունի ժամանակագրական տեղեկատու, տեղանունների և անձնանունների ցանկեր։

Հայ ժողովրդի պատմության V հատորը զրկված է պատմության դիալեկտիկական մատերիալիստական ըմբռնմամբ և խոշոր ներդրում է հայագիտության մեջ։

Ս. Խ. ԱԼԵՔՍԱՆՅԱՆ

Պատմական գիտությունների բեկեաձու